

(<https://news.usm.my>)

Berita Mutakhir

# 01

AUG

## FATIN GONDOL 4 EMAS DI KEJOHANAN MASUM 2017



USM, PULAU PINANG, 1 Ogos 2017 - Ikon Warga Sukan Universiti Sains Malaysia (USM) dan Olahragawati MASUM 2015 dan 2016 Fatin Nur Fatehah Mat Salleh membanggakan warga USM apabila berjaya menggondol 4 emas dan 1 gangsa di Karnival Sukan MASUM 2017 yang berlangsung di Universiti Kebangsaan Malaysia (UKM) Bangi baru-baru ini.

Bagi Fatin, kejohanan ini baginya adalah pemanas badan buatnya sebelum beraksi di Sukan SEA Kuala Lumpur 2017 yang akan berlangsung bulan ini.

Gadis kelahiran Negeri di Bawah Bayu ini sentiasa beraksi penuh konsisten dengan tunjuk ajar daripada jurulatih yang juga bekas pemanah tersohor negara Mon Redee yang sentiasa mementingkan disiplin yang positif dan mempamerkan corak taktikal yang terbaik bagi pemantapan aksi beliau sendiri.

Fatin yang merupakan penuntut Pusat Pengajian Sains Perubatan USM telah banyak mengharumkan nama negara dalam sukan memanah di peringkat kebangsaan dan antarabangsa.

Beliau juga pernah memenangi beberapa kejohanan dunia iaitu Compound Wanita di Kejohanan Memanah Universiti Asia (1 emas), Kejohanan Memanah Piala Dunia 2015 (1 emas berpasukan), Kejohanan Memanah Piala Asia 2015 (1 perak berpasukan dan 1 gangsa individu), Kejohanan Memanah ASEAN 2015 (1 gangsa berpasukan), dan Sukan SEA ke-28 Singapura (3 emas untuk individu, berpasukan dan campuran).

Teks: Hafiz Meah Ghouse Meah



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015